

清陰集

十一

内閣文庫	
番號	漢 17816
冊數	38 (11)
函號	藥 135 1



清陰先生集卷之十二

雪窖後集一百二首以下癸未再入瀋陽後作

鳳凰城途中次東淮上元感懷韻二首

悲歡百變一身殘
世事驚心骨欲寒
惟有遼山今夜月
清光猶似昔年看

形容憔悴髮毛殘
故國回頭望眼寒
今夜長安月
明裡碧紗紅燭幾人看

前篇落句誤押看字覺後追補二首

盈虛相代剩留殘
又見圓光滿鏡寒
人世可憐多
缺陷歸心一破不曾團

元宵勝會夢闌殘詩話聊溫雪窖寒韓老幾時歸
馬慶園拙依舊月團團

瀋陽東館贈李四宰直夫李判書天章小引
吾三人者不相見六七年哀戚患難幸而不死
而又各在數千里外無由一邂逅也寤寐思想
斲天之使或相遇於林壑江湖之間少慰此餘
生雖不能成其至願亦詎意飽之以陰山大窖
啣雪飡糲之味也天之意亦異矣噫明夷聖人
所不免於吾等何哉但當自盡其道庶不負若
子素位之訓聊述短章用寓鄙意

直夫李相
與字

人生期百禩一半憂與喜况當艱真際所遇皆逆
理愁端結腸肚危辱迫朝暮平生慕仁義仁義豈
相誤屈子亦有言莫好脩之故問天天不語問人
人不悟嘗聞聖人訓素位有至論顧我同志士作
詩重勸勉

感懷

死者遭慘酷生者受困辱身辱不足說國耻何由
雪緬懷千古上其人不可望余生生苦晚俯仰徒
傷惋

瀋陽東館憶別口號

直夫天章
先出返國

寂寥孤館日斜暉
病客無聊獨掩扉
千里同來不
同去天涯芳草益沾衣

用前韻再賦別懷

頃城樓觀映春暉
處處青楊護赤扉
遙想歸程一
千里落花香絮繞征衣

次遲川春夜書懷韻

崔相鳴
吉号

鶴野龍灣路三年再往還
人生一泡多世事幾名
般禽力難填海蛟心悔負山
誰憐塞外客庭樹夢

中攀一作未
歸攀

復次

暮景傷難駐良時惜未還
一原唯識路萬品孰知
般俠士須磨劍幽人好買山
漢庭槐里令官檻不
容攀

次遲川韻

天步艱難甚憂端億萬斯
吾人元自信世路漫相
親蛇影能消病羊腸可轉危
他鄉春欲半一笑且
吟詩

復次

佳句看逾竅回腸正在斯
從尋兩世好頓釋百年
疑道勝終歸直神扶自脫危
還須謝經濟重對舊

書詩

救世推姚相憐才說項斯談鋒先破的勇膽骨懷
疑王路年年窄公卿箇箇危白頭燕獄裡邂逅共
論詩

次遲川韻

關梁一閉隔深深千里無人寄好音腸斷故山寒
食月慈烏啼血滿前林

後次

人喧漸息夜將深簷鐸泠泠有古音忽憶昔年三
角下月明禪榻在香林

松栢連雲翠色深風來竽籟自成音故山一別歸
無路夢作飛禽繞萬林

清明感懷

梨花風暖簡齋詩今日清明異昔時節物豈隨人
事變自驚身世在天涯

奉謝遲川

湖翁蘓老一時在晚歲詩壇尚廢功自顧江淹才
已退敢將餘力闢無窮什旗息鼓可
見麻頰老梅

次遲川韻二首

憶在先朝際太平農桑四境樂民生靈臺一夕

妖星動溟海千重駭浪驚再造三韓蒙帝力東
迴百折仰宸情誰知未死孤臣在萬里連年出
塞行

人間有路幾時平世外還思判此生蓬海寒裳聊
可戲桃源遇客不須驚雲烟舒卷從吾樂魚鳥游
沉任物情寄語芙蓉老城主上清朝駕莫先行

次遲川清明日書懷韻

故國天涯隔佳辰客裡逢鳥啼應有恨花發為誰
容流水去逾去浮雲重復重自憐無酒在在亦興
無濃

次遲川韻

君詩雅麗似何陰我志浮遊擬尚禽天遣此來應
有意百年梁甫續遺吟

松栢堂前松栢陰山居來性只山禽蒲團蕙帳今
無主秋鶴春猿自在吟

松栢堂在石室山中

次韻效吳體三首

九州徒聞四海外一生易過百年中凌雲愛誦大
人賦躡景欲超王母宮朱顏綠髮朝朝改芝草琅
玕歲歲同世路艱難仙路遠可憐此計墮虛空
人間每說神仙樂天上應思下界中王母偷來建

章殿姮娥悔入廣寒宮從知此道多疑誤誰遣高
談辨異同老子即今圖遠舉試隨鸞鶴戲青空

次感春五絕

塞北人情隨日變江南世事逐年差天時到此還
多誤節過清明雪再花

三月長安麗景遲年年醉賦落花詩如今獨在天
涯裡白草黃沙無限悲

夢裡尋幽不記處村南村北路高低東風一夜山
中雨流送桃花山小溪

燕子不知春已深鷓鴣兒渾忘趁花心如何白首西

河客口日思歸獨未禁

異域經年老漢臣東風不見歲華新羗兒似解愁
人意吹落梅花笛裏春

再和

流光荏苒身全老行路艱難氣益低惟有少年山
水與夢尋雲衲到青溪

春草萋萋春水深王孫千里未歸心樊南到此應
腸斷制淚雖工亦不禁

次第三疊感懷雜詠五絕

去速留遲一任他羈愁易解病難差前宵偶得還

家夢寂寞柴門掩落花

羨君才敏我慚遲的的清文藹藹詩時見十分情
到處幾回悽惻助余悲

城北名區分洞壑弼雲高擁白蓮低懸流峭壁多
奇絕最號清風第一溪

孤影蕭蕭坐夜深不眠不語獨持心忽然思想十
年事風起浪翻誰復禁

白髮 先朝侍從臣跟着人事幾番新四年撫獄
風霜苦不及喬山草木春

次逢川韻二首

燕山漢節獨傷心零落孤裘雨雪侵千里風雲連
朔漠一春天氣半晴陰邊鴻塞鴈回殘夢缺月疎
星動苦吟楚奏南冠今古恨世間誰復識遺音

耽閑樂靜少年心失路翻為世故侵憂患飽更輕
去就 恩榮絆住老光陰重興大業詞人頌高道
幽情桂樹吟一事未成身異域楚聲空自怨哀音

次第三踏青日韻

高管繁絃蕩客心青鞋碧草細相侵歌終金縷綺
滯散酒盡玉壺山日陰北海看羊漢使節西河守
館越人吟世間苦樂無窮事誰染詩殘費翰音

次遲川韻

今年春在氈城裡來歲逢春何處期
橋外山川如可望洛陽鄉里不禁思
園花留客誰家飲門柳藏鴉阿那枝
老子縱歸無與在一床圖史畫簾垂
遠客思鄉切殘宵歸夢頻只留三箇月
似過十年春塞水猶朝海燈花獨向人
漢臣羶乳地遺跡已成陳

次韻第二

豐山野老遲川相此地相逢本不期
丹禁衣冠天外想滄洲鷗鷺夢中思
臨朝定憶孤千腋借樹

應留鵲一枝何日聯翩浪上路紫騮嘶處綠楊垂
孤燭照瘦影相憐淚滴頻沉沉四壁夜寂寂一年
春避色慚前聖扶顛憶古人仙居不可到何處問
朱陳

次韻第三

驚電颺風兩莫追良時一去志無期銀鞍白馬知
何處金鼎丹鑪漫有思劍氣化氛埋玉匣戟花舍
繡擲霜枝堂堂壯志成寥落空遺遺名字宙垂
歷歷英雄事由來見未頻能成第一業更待後千
春圯上得書客隆中抱膝人賢多自韜晦誰向九

重陳

次中夜有感韻

憶曾京洛十年前三月春遊曲水邊千里安期皆
勝彥雪兒桃葉捻嬌憐興來密席傾深爵醉後歸
鞍趁暮禽惆悵幾時追舊事白頭行樂只酣眠

次第二

故國風光在眼前寄懷何必近身邊西郊芳草如
堪藉南苑殘花正可憐野叟削乾時作象街童剪
紙巧為鳶兩家最是難忘處兄弟看雲白日眠

次第三

丹鳳城西白蠶前清心堂北小溪邊松風滿壑聲
偏愛山月隨人影獨憐竹樹祠陰分鸞鷲鼠肝虫
臂付烏鳶天涯此日空回首却似邯鄲枕上眠

次遲川韻

天涯孤絕自傷春每讀佳篇更起人韋曲園廬拋
世業劍南懷抱隔情親不愁囹圄驚心亭惟喜朝
廷得蓋臣感激異恩長至骨傍人莫怪淚盈巾

次第二

生年七十四回春跡半朝流半野人鍾鼎軒裳非
始願江湖魚鳥自相親終知琴檝違中道每羨巢

由作外臣世事只今驚百變撫心中夜幾雷巾

冰天月窟編回春憔悴南冠獨楚人塞上黃羊元

易飲雲中白鶴故難親魚腸未斷思鄉戀鴈帛誰

傳去國臣空憶秋千綠楊院娃娃戲落紫綸巾正屬

秋千節故云

次詠史三絕

廉蔭遺風古史稱一時功伐各爭能後私先國差

堪許那似初心玉映水

右廉蔭

月暈孤城晝暗塵邯鄲朝暮且降秦當時不有先

生議羞殺千秋萬古人

右魯連

一諾千金不顧他誰論義理果如何肯公死黨難

逃責若為尊周豈翅多

右信陵

次韻

日日書空到落暉平生咎責與時違常存取義成

仁志每被通人達士譏白首歸心長耿耿青山別

路遠依依逢君此地相傾倒未信如今識者稀義李

山詩城郭休過識者稀

再和

少年光景惜春暉白首龍鍾始願違自擬為邦魯

至道未甘論樂節無譏虛拋子羨千間庇徒有相

如四壁依憂患日繁愁緒亂鏡中惟覺鬢毛稀
棄榆無計駐殘暉一別親朋悵永違人世是非何
足道天公好惡亦堪譏羅舍文采今誰見元禮規
摸尚可依他日九原難再卜莫教神會夢中稀

悼重卿
夢賚

又次

夙昔襟靈日正暉名場勇決志憂違烟霞泉石後
吾好鄉里兒童任爾譏架插萬籤還事業鄰開二
徑更因依瑤琴欲為知音奏只恨當時聽者稀

再用龍灣別子韻奉酬遲川相公

四年離恨尚依依誰謂重來返未期垂老此生餘
幾日別時無限見時稀
故園東望思依依幾向黃昏悵失期最是無情華
表鶴去家千載往來稀
紅桃碧柳兩相依紫燕黃鸝各有期惆悵一年春
已盡故人千里寄書稀

次憶山中舊庄韻

曾訪清平暫往還偶從樵迺叩荆關依林傍塢兩
三屋隔水連岑千疊山便欲卜隣分洞壑尚牽幽
蕩費登禁春深正漲桃花水一曲雲溪幾處彎

次第二韻

塞水交流去不還黃雲白雪漢時關古銘誰讀燕
然石異跡空傳射虎山博望靈槎疑欲問蘇卿高
節邈難攀天文夜看撓捨小北落成孤正可彎

次立夏日有感韻

炎帝其君火正臣繚幢絳節御朱輪葭灰一點先
吹律梅雨三更斷送春世路已忘天外客韶華又
負鏡中人愁邊只喜宵籌促坐聽隣鷄早報晨

次韻立夏日

病起三更白髮臣樓頭缺月半成輪何家買醉也

鄉酒幾處追思昨日春長抱百年無限恨獨憐千
里未歸人豐城紫氣干牛斗誰遣雷生候及晨

復次

遯卧南州老病臣西來何事逐征輪雲靈不見燕
山日雪盡難回漢苑春平世幾多憂國士危途竟
少報息人宵中魂磊無窮意咄咄書空坐達晨

次效吳體韻

昔聞燕臣五月哭今見相公千首詩吾為東周離
此患君處北海來何時青春已過閑門裡明月不
與歸夢隨身幽囹圄誰告語後世子雲應我知

次韻茅二

漢史賢良推故論唐朝宰相數敦詩向來蹤跡違
中道此地萍蓬偶一時浮世是非都兩忘窮途行
止動相隨椒辛荼苦千般味日日平分與子知

次

袞袞龍灣路羣公次第歸只留雙白髮共笑一春
衣天意高難問人情近亦違憑君莫輕訝萬事有
神機

次講經權有感韻

成敗關天運須看義與歸雖然反夙莫詎可倒置

衣權或賢猶誤經應衆莫違寄言明理士造汝慎
衡機

復次三首

白嶽吾廬在黃沙夜夢歸花翻新鶴頂燕拂舊烏
衣風月取無禁親賓期不違何方保此樂恨未學
圓機

我非蜀魄鳥長恨不如歸淚盡斑斑血締殘莫莫
衣天心乖好惡人事喜睽違欲向蒼蒼問如今誰
秉機

昨來得家信問我幾時歸念切常加飯貧傷未寄

衣移居路更遠處困事多違及早天應定無勞織
錦機

次四月八日蒙 春宮賜酒饌感懷韻

燈宵勝事幾星霜選妓徵歌第一坊百道絲繩連
火樹九門宮燎盡沉香自從文物隨流水忍說衣
冠滯異鄉今日 需恩拜青邱白頭啼血望清光

再和二首

客心摧折着秋霜夢裡猶尋舊曲坊蕉葉出簷堪
聽雨杏花成子已飄香幾經華表懷仙侶每過龍
灣似故鄉世事到來皆涕淚不因逢暮惜流光

城朝聳驚心抱雪霜賜書長憶善和坊蠹魚網厚
應成蠶芸匣霍深豈有香安得更逢滄水使好將
移送白雲鄉劉家太乙分明降會待青藜照夜光

次步月韻

手把雙環弄水精長風吹月上遙程三更不寐看
逾好萬里無雲覺轉明爽氣滿襟詩欲就羸形側
影盡新成心肝徹底皆冰雪贏得今宵分外清

次遲川韻

三春留絕域萬里憶長安對酒無多酌題詩亦鮮
歡碧憐香縷散紅愛燭花團何處登樓客相思獨

倚欄

次六懷韻

秦樓深處絲雲重
冰筆金鑪了夏冬
造物故知多
戲劇暫教危境試
從容

右屬東淮

雲山環擁水重重
幽夢驚回去歲冬
世事自忙心
自逸知君不作楚
臣容

右屬鳳巖

堆案文書掃百重
一言溫諭變三冬
應知庇下無
寒士螢火寧論解
字容

右屬箕伯

把酒論詩不厭酸
閉門深院落花斑
春明石室無
多路藜杖何時得
往還

右屬白洲

坐忘東歸世味酸
閑居獨藝鷓鴣斑
南隣北里多
耆老日夕扶携相
與還

右屬許侍郎

交情兩世共醎酸
早歲曾知霧豹斑
東館一從分
散後夢隨征旆逐
君還

右屬申學士

和次辟上詩韻六言

三首

虛簷殘溜滴滴深
屋燭影微微斜倚
金屏不寐今
宵夜漏偏遲

右長門怨

千柄萬柄紅藕一
雙兩雙鶯鶯風動
波搖飛去擺
落金粉飄香

右蓮花

路斷燕支山下秋
生紅粉樓前何事
嬾娥半鏡孤

眠窓外來懸

右秋闈新月

次即事三首

沙磧茫茫鳥不飛
白烟甌脫望中微
眼穿東路來人少
獨立西風背夕暉

華表柱頭孤鶴飛
鳳凰城外入烟微
惟見大江流日夜
此時愁絕謝玄暉

光陰相代疾如飛
老病交加氣力微
旅榻借留書數卷
睡魔相伴對殘暉

次夜起韻二首

沈疴無處避
歎蒸掃榻清風為一興
直到夜闌心

骨醒喜看簷月掛銀燈

烟屋沈沈氣鬱蒸
解衣槃礴自晨興
條然一餉江湖夢
記得漁舟半夜燈

復次

窈窕穹廬沸似蒸
朝朝愁見火雲興
何人真我清冰館
明月長懸不夜燈

次書懷韻

異域逢春春又去
客懷寥落斷人知
未聞隔葉轉黃鳥
那見垂楊搖綠絲
香盡篆烟猶裊裊
睡殘簷日尚遲遲
良辰美景年年至
只恐浮生不可期

潘陽城裏漢陽客萬慮千憂只自知豈有帛書能
繫鴈空餘鶴髮亂垂絲少年每惜青春從今日偏
愁百歲遲俯仰乾坤無可晤九原文契古人期
表弁廷俊昔年從我海上見其敏而恭謹屢
稱於人日余再有虎穴之行事迫急多危怖
自內以外平日相知識鮮有能問之者伊獨
棄家挺身千里遠赴倉猝艱難之際相守不
去經時歷月不見倦色同來諸公一口獎與
固已著在人耳目矣伊嘗扞禦國難功列
首籍死喪之威不負舊恩今其所為又如此

此其天性嗜義勇不顧身所在必發夫豈有
所希冀而強為之者哉世常訾武人不識義
理若斯人者其視讀書談道言與事違者何
如耶故余特嘉賞於其歸贈之以詩
六色蒼黃到十分平生結義認非真危途賴爾扶
持力世上誰知有此人

病時不知人事者二日既蘇猶恍惚不信其
為真境今日曉坐若有所悟書此記之六月
二日也

一病精神減十分向來人事杳如塵五更夢斷兩

聲絕依舊前身是此身

題尹秀才畫帖三首名敬之

水清莎草軟牧兒閑又閑分眠有橫坡散蹄無高
山朝霧失遠近夕飽各知還誰似爾無憂終年哇
龍間

右詠牛

崑崙萬古石沟沟寒濤中何來阜鵬子顧眄生雄
風俊姿肅金精逸氣凌蒼穹幾時雲夢獵毛血灑
晴空

右詠鷹

飲水嘶風氣勢生雄姿駿骨真天駟誰能借我故
鄉歸千里長安一日至

右雙馬意有所感
情見于詞

次韻寄堂姪晦而

五年沙漠未歸人千種羈愁百病身路隔久迷中
夜夢書來遙帶故園春桃林嫩萼連紅樹渭水新
稍長綠筠三月風光應爛熳更憑消息慰孤臣

潘陽東館贈別東陽尉東還天命四章一章

章六句三章章四句當在上

有鳥有鳥一投之籠中一鳥先鳴雲霄之冲云何
吁矣天命不同

鴻鴈聯行不先不後于飛而歸網羅何有

先公顯顯樹德惟惇保佑後人無有大艱

水湯湯有舟有楫公子歸來萬人歡送

上 春宮書 癸未六月

伏以臣衰朽之質久在幽縶百沴所加衆疾交發
數日之中遂至危劇合眼待瞑幾不為人伏蒙
邸下哀憐加惠 遣醫診視 賜之藥物及時以
治俾獲再活 生全之德與天同大感激之心如
海益深臣大勢雖減餘症未蘇綿綿近近伏在薦
席不得趨詣 館下少伸微悃不勝區區慕用之
誠謹惶恐具書以 達

答曰今見來書不任感戀送醫問藥出於常例手

書致謝殊甚未安病加於少愈靜養自愛俾速決
痊副余至望

上 春宮書 癸未十一月

伏以臣本老病僅近喘息自日氣極寒之後又添
新症頭如旋磨背若負冰不得運身出戶伏聞
羽獵還駕已踰數日瞻望 館門屢起屢仆終未
得一詣問 安之列以伸微情分義掃地寧欲溢
然無知不勝慚惶悚縮之至席藁質舍謹昧罪上
書以 達

清陰先生集卷之十二

清陰先生集卷之十二

[Faded vertical text columns within a table frame]

